

МКОУ «Мекегинский лицей им. Г.М. Гамидова»
Доклад на методобъединении учителей родного
языка и литературы
«По тропам Батырая»



Подготовила учительница родного языка и литературы
Арсланбекова Р.Г.

Доклад « Батирайла дукъбикад»

Даргала поэзияла анхъ убатурси, халкъла уркѣбази хѣличил, хѣяличил, дигиличил ухѣнахъибси, «даргала поэзияла дудеш» ибси уличи лайикъикибси, чеалкѣуси наслула поэзиялис дягѣути гъунби гъаргдарибси Гѣмарла Батирайличила гъанналис дурахѣдухъунти ца чумал секѣайчила бурес дигулра иш дила рефератлизир. Дагъиста поэтуни-писательтани, цархѣилти миллатунала пергер девла устнани Батирайла творчество чихъли къиматлабариб. Батирай илдани цугуциб бегѣлара шаласи зубарличил, бархъси гъунчибад поэзия архуси къибламаличил. Илгъуна халаси гъунарла поэзиялизиб гъанналис чилилра ахъес хѣбиубси ахъанай ахъибси, шадти далуйтани шадлихъуни шаладирусси, сунечила Дарга, Дагъистанцун ахѣенну, лебилра улкара гъайбухъунси, сунела дуклумар далуйтани поэзияла закѣапѣбарибси, гѣдатла ахѣенси, легендаличи мешуси поэтличила гъайкѣес илцад-декѣар гъамадли ахѣен.

Гъанналис Батирайла гѣмрула ва пагъмула гѣяхѣцад цѣябдешлизир калунти шалуби лер. Цацабехѣ гѣялимтанира чедихѣяртдеш дакѣудирули сари. Тамашала анѣбукъ ахѣенну, илала акѣубти ва вебкѣибти дусми кадизахъес хѣбиъни.: 1817, 1820, 1825. Чиди дусми дархътив? Дила иш къантѣси белкѣлизив ну хъарихъули ахѣенра я Батирайличила делкѣунти гѣялимтала хѣянчурбачи я илала юбилейличир дарибти докладуназир дурибтачи. Ну хъарихъусира илала далуйтачира , илала гѣмрулизир цархѣилтани гъаргхѣедарили калунти цацадехѣ шалубачира. Гъанналис 60 дусличирра гъалар Батирайла цацадехѣ далуйти делчѣес, илдазирад гѣяхѣцад уркѣиличир дагъес чебуркъуб наб. Батирайла къугъали зяйдикѣути даргала макъамтачи далдикибти адам гѣяшикъирути далуйти дила уркѣиличир калун. Илди далуйти виштѣахѣелира, жагъхѣелира, гъанна ухънаваибхѣелира авлахъличир, дила зиланти ургар, сяхѣатуначир делчѣес иштяхѣдулхъан. Батирайла дигайличила, гѣяхѣгъабзаличила далуйтани дила уркѣилизиб муртлисалра мер баргиб. Нура кам-гъамти макъалаби, хабурти делкѣунси, халкъла мухѣлила пагъмула произведениеби дурчуси адам сайра. Наб, дарган мезла учительлис, дебали вахъхѣи умцѣес чевкъар Батирайла далуйтазир къаршихѣедиркути метафораби, эпитетуни, мешубуцуни даргес. Хѣера иличила се лукѣулил Н. Капиевани ва В.Огневли: «**Батирайла поэзияла жагадеш хабарагартти, исбагъити, мурталра сагати ва цѣакъти мешубуцуназиб, метафорабазиб саби**». Ф. Абакаровани белкѣун: «**Батирайла поэзиялизирти эпитетуни лямцѣван жагати сари**». Батирайла гѣмрула гъуни гѣячихъбарес къасли нура чуйнара къяйцѣухъунра.

МикІхІила шила бухънабачил гІяхІцад ихтилатуни дурадєркІира, хасданра иличил лєкьирбикІули калунтачил, ил гІяхІладли вашутачил. Халатани бурни хІясибли, Батирай МикІхІира вашули кали сай. Ил имцІали кьаршииркути гІяхІли ЯрахІмадла ХІясан, Назирбейла Кьадирбег, Уба ва ц. Батирайла далай ХІясай микІхІила лугъатличил бучІули чуйнара

бакьибсири:

Далайра сенъан иша

Камалул Баширлаан

КІидехІ рангли кидиуй

ВяхІликєр муцІур-супил

Дила цІубдубле далла

Эни шахла кьадаан».

ЯрахІмадла ХІясайни бурули гьанбиркур, Батирай чула гІяхІял вирни. Сунени ил чеибси муцІур-супел цІубдиубси замана сайри, викІуливан, «ГІилала гІямрулишив». ХІяса дудеш ЯрахІмад МикІхІила шилизив вєГІла гІяхІси мєгьла уста уили сай. Илни хьубзарла ваяхІ: мирш, кьялкья, гьаб, ханжал чедетаахьили дируси, мекелли чєветаибси уста уили сай. Гьаннара цацадехІ хьалибаргуназир ЯрахІмадли дарибти сари бикІути ханжулти лєр. **«Батирай вакІибхІєли, гІєвдугьра шадлихьличи шурбулхьи»**, -викІи ХІясан. Ил вакІнила хабарлис цархІилти шила устнира, дудешла гьалмагьунира чукурбирки, хабурти, лєкьирти, дукелцІи думжи. Нушала хьулир рахлира гьаруш камхІєдири. Гьарушли бужєс гьанбикалри, гІєвдугьлаб иш далай зайбулхьи:

«УркІи кьакьадаркьибхІє,

Кьакьарла унза ибхьуй,

Мургьила унзубгьала,

Жан гІярякьила шиша,

ХІу шарабла дацІмадужь,

Агуду кинабалра?

Дунєла шишимьуле

Ша мадакІаба иле,
Шилизерад къунздукІуй,
Дарман гъарушла хъаба,
ХІу кинабре, хІу сере?»

Ил далайла бакълри, нешли беркеси хІядурбирусири. Дудешли бакІибти хъули жибири. Къаркъа гъав бакІибхІели, Батирайла някълаб чугур яра динда багъарибири. Илала далайла бакълри, чилра илис ухъна сай хІейкІи. Нушала хъулчрачи, гІяйни унра-хунра цалабирки, бебкІибтиван шипІбяргІили Батирайла далуйтачи лехІкайхъи. Илини делчІунти далуйти микІхІила жагътани гІерисутири ва чуни мекъ-сяхІбатличи дучІутири. Илди далуйти имцІаливан микІхІила лугъатличил зайдулхъахъутири. Амма гІергъиси замана Батирайла далуйти дучІути ва далути бахъал кахІелун. Батирайла далуйти сари или дучІи Асиялдарла ГІябдулани (вебкІиб 1991 д.). Ил пасихІси, микІхІентлис дебали дигуси, шантала мекъ-сяхІбатличив камагарси дяднучІа, ашуг, сай-вегІти далуйти цахІнадирхъуси адам сайри. Илини микІхІентлис Батирайли делчІунти сари или ишдигъунти далуйти дучІи микІхІила лугъатличил.

ЯрахІмадлис.

Иш хъа вегІла гъаргала
БерхІи духъаб ванале,
БяргІили бакІиб ахІли,
Бемжурле арбашахъес.
Иш хъалла вегІла хъулри
ДицІаб хІинтІен анкІили,
БацІле бакІибте ахІле,
БицІиле арбашахъес.
Иш хъалла вегІла азбар
БицІаб хъанцІа туйрани,
Хъурале бакІиб ахІле

Мурдале арбашахъес.

Гямузгала мегъ-шандан

Жякъижъан кІантІидиркъуй,

Шанда хинжа байлебад

Някъли шухІяри дилтІуй.

ХІура ват, дерхІнера бат,

Дила микІхІен ЯрахІмад.

Дебали цаъкъси хІулрумала уста вири микІхІен ГъазибяхІянла Къадирбег. Ил нунира гІяхІил валас, сенкІун дила унраличив хІерирусири (вебкІиб 1950 дус). Ил дебали ухънаваибси адам акъули кахІейри. Се барес вехІигъасра, илини ишди гъай дури: «Питина хІясина вакъина». Илизи сенрил дила дудешли илдала мягІна бурахъес тиладибариб. Къадирбегли дукаряхІили иб: «Илдала мягІна хІурхъан Батирайли ахІенси балуси ахІен». Къадирбеглира Батирайлизирад урцул дигубли дарибти га исули кали сай. Батирай МикІхІи вашуси шадибгъуни барес ахІенрину, сай акІубси шилизивад динна агълули, шила хужаимтани гъавяхъили, ГІямахъилизи вархъибхІели, чинадалра кумек агарли, гашас гІямал баргили, урцуызирад га дигубли, эмхІеличир кІел чІаплар Зиха-ГІекІбецІла дубурти дайдахъили, гъункъяби камли башуси гъунчивад га дицес вашусири. МикІхІила устнани илала га ургадикили исутири. Илис чІап бицІибти галис ца барха анкІила бедлугули буили саби. КІелра чІаплар кІел барха ризкъила хили, яра ца шинкъалар делкъи, хъайгІи чарулхъусири хабарла поэт ГІямарла Батирай. ИлхІели сарри илала микІхІентличил гъалмагъдеш уржибти. Хабар бурули бирар, Къадирбегличиб Батирайра БяхІянкъадира чугурти дяхъес абзбикниличила. Илдани чугурти адамтиван гъайдикІахъутири или бурули саби. МикІхІен БяхІянкъади дебали цаъкъси цуелдубази хатІ лукІан устара уили сай. Археологунани чуйнара илини дарибти целдубала суратуни ардухиб. Абзани тамандиубхІели, кІелра цаличи ца хъябруцбикибтири. Илаб Батирайни Къадирбеглисра белчІи сай ишгъуна далай. ЛукІулра набзи бурибси тяхІярли микІхІила лугъатличил.

Уркурла хІулалике

Някъ-някъли мегъ кебуршуй,

Анкъи шалай, шег гІявай,

Че вакІалра, дяхІ шалай,
Мискиндешли кьакьамаркь,
Дила гьалмагь Кьадирбег.

ПикридирехІе икІди кІелра микІхІейс делчІунти далуйти. КІелра далайлизиб ца дард саби бацІикьуси. Сай мискиниубли, гІямру жападухъи, яшавлизив бегІлара гІямалагрила гьуни баргибси, дурашантара шантара гьалаб халал хІурматбирули калунси пергер гьабза, халал гьунарла шягІир ил хІяйчи викибхІели, сунес биштІаси биалра кумек бирути, дяхІ шалали гьунибиути гІяхІлас гІяхІти гІямру дулгули сай. ЯрахІмадла хьулри масхазнали дицІаб, Кьадирбеглис «мискиндешли кьакьамаркь» викІули, сунечибси дард саби бацІикьуси, суненигьуна агри-гашала агьу мабержаб викІули сай сунела гьалмагьунани. Сергокьалала педучилищелизив учІуси замана (1952-1953 д.) дарган мезла учитель Раджабов М.Р. льякьирикІуси ца ухъназибад аргъибсири, Батирай жявли гьимуркІуси, хьярхъли хІял барсбируси адам вири ибти гьай. Наб бурес дигулра, Батирай дебали паргьатси, гІяхІти хІял-тІабигІятла адам виъниличила. Илис бикьридеш дирули сари набзи дила дудешли бурибси ишгьуна секІай: «Нушала унраличив ца Уба бикІуси уста вири. Илини дисби, ханжулти, миршби ва ц. ваяхІ дирутири. Ну итхІели 14-15 дус виубси урши вираси, ну унраличи кумекбарес вашусири. Убачи имцІали кьаршиирки хІурхъан Батирай. Илини дебали жагали, сунени пикрибарибси далай бучІи. Уба дебали халаси масхарачи, льякьир бемжахъес балуси адам вири. Илис дигиатур Батирайс сегьуна-биалра уюн барили гьимукІахъес, гІур биалли иличи дукарвяхІес. Гьачам нуша гІевдугьлар дузули лерли, эмхІеличир га кадухили, Батирай Убала азбарла вакІиб. Убани хьярхъли набзи буриб: «Батирайла саламлис жаваб хІелугехІе, гІур сай гІясивиубхІели, дукардирхІехІе». Азбарлаб дехличил эмхІе батурли, Батирай гІевдугьла гьавакІиб. «АсаламугІялайкум, хабардерхурси Уба ва илала балуй някъ виштІал уста Султанбей», -- или Убас някъ гьабатур. Убани илала някъ хІебуциб, сунела хІянчи даимбариб, нуни биалли цІахІбизурли бекІ гІяшбуцира. ИлхІели Батирайли алавчарли хІеръиб, кьаркьала гажинлизивад ши ужиб ва, кІел Убазе лер ишди гажин бицІибти дяргІиб шин, или дуравхъун. Уба бара гьаргси унзалавад иличи хІерикІулри ва дукаркІулри. Батирайни багьлали эмхІеличирти чІупри гьурасиб, цакамти дерубти кьар эмхІела гьала лайдакІиб ва гІяш-гІяшли ишгьуна далай белчІун.

Убала гІякьлуликьиб

Хїела гїякьлу халаси,
Къуйрукъличир гъизбицад,
Микїхїен Убас га хибси,
Хїура бат, эмхїера бат,
Мургъи лихїбар, жан эмхїе.

Гїур гїевдугъла гъавакїили, наб кїел вацїала хъяр гїб ва, унза къяпїдарили, арякьун. Ца байхъалацад замана бикиб. «Чина викибара ищ, хїейубра гїурра ишичив чедивикес, ил гїимукїахъес?»- или Уба дуравхъун, илис гїелавад – ну. Азбарлабад жагаси буцїуси бухъмуйла тїем чебихулри. Гъалав – Уба, гїур ну хъайгїи адацїира. Хъулиб лебси ца кесек бухъмуйлара бурсили, 3 гидгарира дячи, хайнига барили, ца дубгъуна мухъарла къацїра касили, Батирай укулри. Нушачи илини сегъуналра пикри бяхїчихїеиб. Укунхїели, имцїабухъунси ца тїулгъуна къацї эмхїелис бедиб ишди гъайличил: «Гїурра Убас ахъри габ, хїура нура далхахъес». Батирай бурхлиу кайиб. Убани хїянчилизи бяхъиб. Ил замана авлахъла хїянчиларад чаррухъи, Убала хабчаб Гїяшура ракїиб. Дебали дигиличил Батирайличил яхши-хушдариб, хъайгїибтачила, узи-уршиличила хъарбаиб. «Хъулибте себиркьуте хїед хъарбаиле, илис хъунул-дерхїеликеб хїемхїе ахїерилра дурхъайра балле»,- иб Убани. Гїур се тяхїярли сунес беркала баркьибал, буриб. Илхїели Гїяшурала гїякла тїама унра шилизи бикьули сабира или, гъанбикиб. «Агъ, сен гїяжїна баркьаде, дила узи Батирай!»- иб Гїяшурани, дукелцїила биса ушкули. Илхїели Батирайни мякьлабси мурчї касиб, диндаван хилтїирбариб ва иш далай белчїун:

«Гїяшура хїурматчерси,
Убас лергїер ахїерси,
Биабгу хїела анкъи
Мурталра сахаватси
Шан-виаб я дурашан
Хїурмат-хатир дируси,
Башу-арбашу гїяхїлас
Даимал дяхї шаласи.

Дебали жагали зайбикІулри их далай Батирайли хІурхъила мезличил бучІухІели.

Хъаршилизив хІерируси ГІялибек бикІуси ухъна вири. Сай Батирайличил къаршивикниличила ишгъуна хабар буриб. «Зурила бяхІлизев мазаличал дукивре. ГІеббитІо хІемхІера, сайра хІяндубте муцІур – супилтела вегІ адам кецуб: «Дугахъуллив маза, бархІе нур. Ма, намра матъол дихъибте сарену» - иб ва чумал хив гіб. КъапІа убасиб, алавчарле хІеръиб, кайиб, дизера кайахъес лишанбаркъиб. Илила гІярагъа дила гІемрулизеб нуни хъумхІертуй, хІурхъила лугъатличал ишгъуна далай белчІун. Нуни ил хІурхъила лугъатличал бурес хІеврус, чумал дев дарсдаркъиле есра асубуарар.

«Агъ, хІябилра дигахъис,
ДурхІядеш гъандикахъес,
Селалра пикриагар,
Вайбаркъ барес къасагар,
Се гІяхІил лебара хІед,
Дила узила урши.
КъуртІ урбешла къадаван,
КъутІкъу-жапати гІямру
Чедаэс хІебикибил,
ВиштІаси хала букІун!»

ГІур хъярхъле айзур, ада-абаниан дигиличал жигІяхъиб: «ГІяхІли кален, чатІала гидгариван умуси уркІила вегІ. Дура саламти неш-дудешлизи». Ну бисали дицІибте хІулбачал вахъхІе гІелавад хІерукІира. Ил далай хъумхІертес нуни цабагъале тикрарбиркъира. БерхІехъ хъули вакІибхІеле, тамашала адамликела бурира ада-абазе. Ил далайра бурира. «Ил ишберхІи Убачувад дураулхъуле нунира кеира. Бархъдешли мискІин варкъибил, бархъдешли шилизевад дураибил, мискІинтела узи, давлакебтела душман хІурхъан Батирай букІуй пергер далайчи сай ил», - буриб адани.

1877-ибил дуэла бунт бячІи, бахъал Дагъиста халкъ хІила хІуркІбази гІелабушили, пачала гІярмияла солдатуни дагъистанлантациб къугъна

биркьутири, илдала ца гЯскар Кутишаб мерлабиубсири (ЧугІлиб). Илзамана пачала шали буцибти давлачебти, динна агьлу чус дигута биркьутири. Илди дусмазиб ЧугІли Даргала округлизи кабурхусири.

Даргала округлис наиб варили сай хІурхъан Арихъла ГЯли, пачала гЯрмиялизиб кьуллукъбарибси эпсер. Ил сунела шилизи ХІурехъи вакІибхІли, узи-урши цалабикили халаси шадлихъ барили саби, дам-дяд демжурли, делхъли булхъули саби, далуйта бучІули саби. Батирай ил шадлихъличи вакІили ахІен. Илис гІергъи нукерти бархъили кавкахъили сай. Иличи далай белчІахъес бахъал чекабизурли саби. ХІейгу-хІейгули Батирайни далайили сай.

ЧугІли урус вакІайши,

Дурхъиб абъа агворте,

Арихъла ГЯлихъале.

ЧугІли урус бакІвибхІе,

Илхъвила багІти агъвур.

Наибла узи-уршилис, илала халахартас ил секІал децІагили саби. Илдас гъанбиркусире, Батирайни гапла далай бучІа или. Батирайличи илди чебухъи саби. Арихъла ГЯлини баркалла бедили сай ва чебухъунти ряхІятбарили сай. ГЯлини бурили сай, Батирай гЯхІгъабза, вархъси, кабизалачевси адам виъниличила, сунени гъалабра балусири или, амма гъанна иличи вецІнали вирхаурра или. Гъай-гъай, Арихъла ГЯлира сабурла, духуси адам виэс гЯгІнили саби. Бурули саби, ил гъим кьалли чина ургуси, илни Батирайла бархъдешлис кигъа пешкешбарибси саби или.

1941-1945-ибти дусмала дургъбас гъалав Субахъти махъилизив хІерирулри Пурсла Сулайбан, ухъна адам. Илини жагали динда бирхъусм, далай бучІуси адам уили сай. ХІера, ил Сулайбай бурни хІясибли Сулизи (илра Сулайбан), Сулини – набзи Батирайни 2 барха сусул анкІила асили сай. ЭмхІеличи чебихъили гавлагра сайра, хъулибяхІ гъайбарили сай, Зихела дубурти зяйдикІахъули ахъли далайра белчІи:

Субахътила сусури

Далдикесара кайзи,

ГІекІбецІла далкІа хъявби

Алкесара цГаличир.

Батирай вархъа, къалпагарси, урехи-урези агарси, чІумаси гъабза виъниличила бурути бакъалабира къаршидиркули сари.

Дунъяла далагардешуни урдизахъес вирниличи Батирайла хъул къябудули ахІенри. Батирайла далуйтазиб сабри даргала поэзиялизи бегІ гъалаб реализм минабарес бехІбихъибси.

Поэт къяйдали Батирай даргала халкъла рухІлашалси давлала ва дагърила букъур сай. Даргала халкъла уркІбазиб сунес гъарзаси мер баргибси, далайли дунъя жагабарибси, шямван вархъа, шанданван чІумаси, урхънази кабухъунси варачанван сунела гъуни бархІебатурси, сунела пикрумас марли вебКибси хабарла поэт ГІямарла Батирай нушани хъумартес хІедирехІе.

